

千七百餘里以每里需款萬金內外通計約須資本二千萬兩現擬先由蕪湖築至江甯名曰蕪甯鐵路計程不過百八十里需款祇二百萬之譜至於籌款之法大致援川贛兩省穀捐鹽價辦法據稱皖省以蕪湖出口之米徽州行銷外洋之茶及長江運售之木三者爲商貨大宗蕪米每年出口不下四五百萬石每石捐銀數分湊足十兩換給小股票一張湊足百兩換給大股票一張其餘酌提各州縣公積存儲生息並分派公正紳士認招股分以期衆擎易舉以上各節臣等復加詳核所籌辦法尙屬明晰至公舉候補四品京堂李經方督辦興修鐵路各事宜查該京堂係前大學士李鴻章之子才具精敏鄉望素孚既據該省京官呂佩芬等呈請代奏前來合無仰懇 天恩准將駐滬隨辦商約鐵路事宜候補四品京堂李經方 派令總辦安徽鐵路所有招股勘路購地興工各事均責成該紳經理隨事稟呈臣部核奪奏明切實興辦藉以統一事權聯絡衆志一切遵照臣部奏定章程逐漸布置三年以後仍援照奏辦江西鐵路前案果有成效卽行奏明酌予獎勵如日久無功亦由臣部奏明撤銷差使以重路政謹 奏奉 旨依議欽此

商部奏浙紳籌辦鐵路請派員總理摺

竊臣部於光緒三十一年七月間接浙江通省京官翰林院侍讀學士黃紹箕等呈稱竊維

近年風氣大開鐵路利便盡人皆知是以四川江西安徽等省均由本地紳商合力籌辦迭蒙 奏准在案浙江商埠繁盛倘非及時籌築鐵路殊不足以自保利權惟造端宏大籌款艱難現經京外官紳合商辦法擬先舉聲望素著及家道殷實足以聯絡通省紳商之員膺茲鉅任查有在籍前 特給道銜署兩淮鹽運使湯壽潛擬公舉爲鐵路總理並懇 奏請賞給卿銜以崇體制又在籍候補四品京堂劉錦藻擬公舉爲副總理洵足以資提倡而勝委任除勘路集款招股興工各事籌訂章程再請立案外謹先將舉員辦理浙江全省鐵路情形援照四川江西安徽各成案公懇據情代奏立案請 旨定奪又准大學士王文韶刑部尙書葛寶華戶部侍郎陳邦瑞刑部侍郎沈家本胡燏芬等函同前因並稱此事爲全浙命脈所關卽爲 國家利權所繫文韶等眷懷時局顧念梓桑雖未列名於簡端亦迫於同里之義務用特合詞懇請各等語臣等伏查浙省物產富饒地勢形便江西居其西南安徽居其西北現在贛皖兩省鐵路業由該省紳士先後自籌建築呈由臣部代奏奉 旨允准立案今浙江紳士黃紹箕等呈請援案辦理他日與江西安徽等省路線交通於商務路權洵屬深有裨益其公舉道銜署兩淮鹽運使湯壽潛候補四品京堂劉錦藻辦理鐵路各事宜查該員等學行才猷均夙爲鄉里所重既據該省紳士黃紹箕等呈請代奏前來合無仰

懇 天恩准將道銜署兩淮鹽運使湯壽潛派令總理該省鐵路候補四品京堂劉錦藻爲副總理所有勘路定線集款招股購地興工各要端均應由該紳等妥慎籌計稟呈臣部詳核奏明切實興辦以一事權並一切遵照臣部奏定章程辦理三年以後果有成效仍援照江西等省奏案奏明酌予獎勵如曠日無功亦由臣部奏撤差使以重路政謹 奏奉 旨 湯壽潛著賞給四品卿銜餘依議欽此

商部奏福建紳士籌築本省鐵路援案公舉大員總理呈請奏咨立案摺

竊臣部於光緒三十一年七月間接據福建通省京官光祿寺卿張亨嘉等呈稱竊維閩省地僻民稠生產鬱積全賴轉輸利便以發山澤之所藏以補耕作之不足近年以來奸商勾引外人動指數府之鑛地歸其專辦坐使利權日失夫鑛與路本相輔而行欲杜盜鑛之陰謀莫若自行籌款建築鐵路上爲 國家挽久遠之利權下爲紳民免數世之遺累惟是籌辦伊始責重事煩非有信望夙孚鄉閭推重之員不克勝任查有降五級調用前內閣學士兼禮部侍郎銜陳寶琛家世通顯學粹品端家居二十年措辦學商具見成效凡閩省之經商於東南洋各島家擁厚資者平昔均服其爲人若聞該紳總理鐵路事宜必能感奮輸誠力顧梓桑之公益其於籌集股款一事決無阻礙廈門爲通商口岸擬先行籌築爲幹路之